

Headline	TH yakin kembalikan keyakinan rakyat		
MediaTitle	Kosmo		
Date	22 Mar 2019	Color	Full Color
Section	Negara	Circulation	155,996
Page No	4	Readership	467,988
Language	Malay	ArticleSize	230 cm ²
Journalist	N/A	AdValue	RM 5,992
Frequency	Daily	PR Value	RM 17,975



TH yakin kembalikan keyakinan rakyat

KUALA LUMPUR - Lembaga Tabung Haji (TH) yakin dapat mengembalikan keyakinan pendeposit untuk terus mempercayai badan itu selaku pemegang amanah bagi mengurus dan menjamin simpanan serta pelaburan mereka.

Timbalan Menteri di Jabatan Perdana Menteri, Fuziah Salleh berkata, menerusi pelan pemulihan komprehensif dan barisan pengurusan terbaru, TH optimis dapat kembali kepada landasan sebenar.

Beliau berkata, TH kini sentiasa mengaplikasikan dua perkara mengikut akta iaitu tidak melanggar undang-undang dan memastikan tidak berlaku kelemahan dalam pengurusan kewangan demi mendapatkan keuntungan.

"Apabila kami letak di bawah seliana Bank Negara, jadi ada pengawalan risiko di situ. Ini bagi memastikan ia dapat mengembalikan kepercayaan orang ramai terhadap TH supaya berada di landasan cukup terbaik," katanya selepas menjadi tetamu program Ruang Bicara terbitan *Bernama News Channel* (saluran Astro 502) di Wisma

Bernama semalam.

Selain itu, Fuziah berkata, penubuhan syarikat tujuan khas (SPV) juga diyakini dapat memulih dan memaksimumkan pemulihhan aset yang tidak menunjukkan prestasi serta dikawal selia oleh Bank Negara Malaysia (BNM) sejak 1 Januari lalu.

"Dalam pelaburan akan datang, ia dikawal selia BNM. BNM akan lihat pada risiko dan risiko itu akan dilihat oleh pengurusan yang baharu TH. Insya-Allah tak akan berlaku keadaan yang mana TH melabur dalam syarikat yang tidak menguntungkan," katanya.

Justeru, beliau berharap rakyat khususnya pendeposit terus menyandarkan keyakinan tinggi kepada barisan pengurusan dan Ahli Lembaga Pengarah TH untuk mengerakkan agenda pemulihan seperti dirangka.

Isnin lalu, Menteri di Jabatan Perdana Menteri, Datuk Seri Muhyiddin Yusof Rawa memberitahu Dewan Rakyat bahawa TH berjaya meningkatkan jumlah aset sebanyak RM76.5 bilion berbanding nilai tanggungan dan deposit RM75.5 bilion pada tahun 2018.



TH berjaya meningkatkan jumlah aset sebanyak RM76.5 bilion berbanding nilai tanggungan dan deposit RM75.5 bilion pada tahun 2018.

- Gambar hiasan

ding nilai tanggungan dan deposit RM75.5 bilion pada tahun 2018 menerusi pelan pemulihan serta penstrukturkan semula. - Bernama